

NATHAN & OLSEN

Höfum til:

Umbúðapappír í rúllum.

Pappírspoka.

Bindigarn.

Gúmmibönd, ýmsar stærðir.

Fyrirliggjandi:

Appelsínur. Laukur. Kartöflur.

Eggert Kristjánsson & Co.

Símar 1317 og 1400.



Sighvatur Bjarnason

fyrv. bankastjóri.

Fæddur 25. janúar 1859. Dáinn 30. ágúst 1929.

Um fótferðartíma í gærmorgun fóru að koma upp flögg í hálfastöng hjer um bæinn. Er fram á morguninn kom var auðsjeð, að andlát hafði borið að höndum, er snerti marga bæjarbúa. Fánar voru upp dregnir á opinberum byggingum, svo sem stjórnarráðinu o. fl.

Sighvatur Bjarnason fyrverandi bankastjóri var dáinn.


Í fyrradag bar ekki á því, að hann kenti sjer meins. Gekk hann um útvið og hafði tal af mörgum mönnum, eins og hann átti vanda til — því margir áttu jafnan við hann erindi, enda þótt hann hefði látið af mörgum þeim störfum, er hann gegndi, meðan heilsa og kraftar voru óskertir. Í fyrrakvöld mun hann hafa hugsað sjer fyrir næsta dagsverki.

En hinn langi vinnudagur hans var á enda. Hann dó í svefni snemma í gærmorgun.

Æfisaga Sighvats Bjarnasonar er lesendum þessa blaðs kunn í öllum aðalatriðum — einkum þeim, er alið hafa aldur sinn hjer í bænum. Í Reykjavík var hann fæddur þ. 25. janúar 1859, og Reykjavík var verustaður hans alla æfi; í Reykjavík var hann sín bernskug og uppvaxtarár, kom fátækur 15 ára á landshöfðingjaskrifstofuna og fjeck þá þegar traust samverka manna sinna, er átið fylgdi honum síðan.

Er Landsbankinn var stofnaður 1886, varð hann bankabókari þar. Hafði hann það starf á hendi uns Íslandsbanki var stofnaður 1904. Bankastjóri var hann í Íslandsbanka þangað til 1921, að hann veiktist mjög þungt, og töldu lækna, að hann þyldi eigi þá áreynslu, að taka við bankastjórastarfinu aftur.

Um það leyti sem Íslandsbanki var stofnaður, hófst sem kunnugt er, nýtt tímabil í sögu atvinnuvega vorra. Voru miklar vonir við þá



bankastofnum tengdar meðal þeirra manna, er höfðu trú á því, að atvinnuvegir vorir væru þess megnugir að ávaxta aðfengið fje og það væri þjóð vorri til góðs, að hún fengi rekstursfje milli handa.

Að Sighvatur Bjarnason var til þess kjörinn að vera bankastjóri í hinum nýja banka, sýnir best, hve mikið traust var til hans borið, og í hve miklum metum hann var.

Í þau 16 ár, sem hann vann í þeim banka, er óhætt að fullyrða, að á hans herðum hafi legið mest af því daglega erfiði, er þurfti til þess að annast stjórn bankans. Enda afkastaði hann á þeim árum margfalt meiri vinnu en alment gerist.

Því bankastjórnin var ekki það einasta, sem hann hafði með höndum. Eins og til hans var leitað, til þess að annast stjórn hins nýja banka 1904, eins var og á hann kallað til ótal starfa annara. Hann var í bæjarstjórn, í niðurbjórnum, og í stjórn fjölmargra fjelaga, er oflangt yrði hjer upp að telja, m. a. hjúkrunarfjel. Líkn, Styrktar- og sjúkrahjúðs verslunarmanna, í stjórn heilsuhælisfjelsins, er gekst fyrir stofnum Vífilstaðahælisins, í stjórn Ekkna-sjóðs Reykjavíkur o. fl. o. fl.

Hann var einn af fimm stofnum Oddfellowreglunnar hjer árið 1897, ásamt Birni Jónssyni

ritstjóra. Var Oddfellowreglan honum mjög kær, og öll þau störf, er hún hefir hjer unnið til almennings heilla.

Hjer verður eigi reynt að koma tölu á öll þau mörgu fjelög og stofnanir, er hann hafði afskifti af og helgaði krafta sína. En það er sénnilegt, að enginn maður hjerlendur hafi samtímis starfað í jafn mörgum og margvíslegum fjelögum eins og Sighvatur heitinn.

Hjer hefir aðallega verið minnst á þau fjelög, er starfa sem líknar- og góðgerðafjelög. Var slík starfsemi öll honum mjög hjartfólgin. En þá eru ótalin þau atvinnufyrirtæki, stór og smá, sem hann var við riðinn, svo sem h.f. Völund á sínum tíma, fiskiveiðafjel. Ísland o. fl. o. fl.

Í stjórn Verslunarskólans var hann einnig, og vann að efling hans á fyrstu árum þeirrar stofnunar. Og er hjer aðeins skamt komið þeirri upptalningu, sem þyrfti, til að fá nokkurt yfirlit yfir hið fjölbreytta og margþætta starf, sem eftir þennan sívinnandi atorkummann liggur.

Hvað var það þá, sem einkendi þennan mann, sem fyrst og fremst varð til þess, að fátæka piltinum úr Hlíðarhúsum var falin hver trúnaðarstaðan annari meiri og ein hin vandastasta, bankastjórnin 1904? Hvers vegna var eftir því sótt um áratugi hjer í Reykjavík, að fá hann í stjórn fjelaga, eða sem endurskoðanda og umsjónarmann fyrirtækja? Eftir hinn langa starfsdag hans eru fjölmörgum svörin kunn.

Frábær samvirksemi, reglusemi og árvekni einkendi manninn alla hans daga. Hann lifði til þess að gera öðrum gagn, vann til þess að vinna fyrir aðra — og þá fyrst og fremst fyrir bæjar- og þjóðfjelagið. Hvert hlutverk, sem hann tókst á hendur, varð honum hjartfólgið — smátt sem stórt. Hann bókstaflega sinti aldrei um það, hve hart hann þurfti að ganga að sjer, til þess að afkasta dagsverkinu, meðan heilsa og kraftar entust.

Samfara þessum eiginleikum hans var hann maður vinfastur með afbrigðum. Hver sá, sem á annað borð eignaðist vináttu hans, gat vitað, að hann átti þar ávalt að mæta ástúð og umhyggju. — Kann sá, er þetta ritar vel um það að dæma.

Sighvatur Bjarnason hafði sjeð mikil umskifti í Reykjavíkurbæ — hann hafði fylgt framþróuninni hjer og efnalegum framförum bæjarins flestum öðrum fremur. Á síðari árum, er hann smátt og smátt var að losa sig við ýms trúnaðarstörf, fann hann oft mjög til þess, að samfara hinum efnislegu framförum, höfðu hjer orðið allmiklar umbreytingar frá því sem áður var á hugsunarhætti og starfsháttum manna, er eigi voru til bóta. — Honum fánst síngirni manna vera að vaxa hjer öllu yfir höfuð, en áhugi fyrir almenningsheill lúta í leggra haldi.

Þetta var eðlilegt. Hann hafði sjálfur bygt líf sitt og tilveru á umönnun fyrir annara hag. Hann hafði blátt áfram oft gleymt sjálfum sjer fyrir áhuga á almenningsheill. Þessi var einn meginþáttur í fari hans.

Vegna þess er æfisaga Sighvats Bjarnasonar tilvalin leiðbeining fyrir unga menn, sem áfram vilja og gagn gera, en í upphafi standa einmana, með tvær hendur tómar. Huggun hefði það mátt vera honum á efri árum hans, hve dæmi hans og lífsferill er fagur til eftirbreytni hinu upprennandi kynslóð.

Þann 29. okt. 1886 giftist Sighvatur Ágústu Sigfúsdóttur (Jónssonar frá Undirfelli). Þeim varð níu barna auðið. Tvö dóu ung. Tvær dætur mistu þau fullorðnar, Þorbjörgu, er gift var Magnúsi Pjeturssyni bæjarlækni, og Jakobínu, er gift var Georg Gíslasyni kaupm. í Vestmannaeyjum. Á lífi eru: Emma, gift Jóni Kristjánssyni lækni, Bjarni kaupmaður, Sigriður Trybom í Stokkhólmi, Ágústa, kenslukona á Blönduósi, og Sigfús, er tekur við váttryggingarumboði því, er faðir hans hefir haft.

Frú Lenin segir ráðstjórninni til syndanna.

Madama Kroupskaya, ekkja Lenins hefir nýverið skrifað ritgerð í rússneska tímaritið „Krasnaya Gazeta“. Ræðst hún þar mjög þunglega á ýmsar gerðir ráðstjórnarinnar, einkum ákærir hún harðlega meðferðina á skólabornum. Segir hún að í rússneskum skólum ríki eilíft haturl til þeirra barna, sem eru afkomendur borgarastjettanna. Þessi börn fá hvergi að vera með á skemtunum, þau sjeu hædd og svírt hvar sem þau koma. Vítir frú Lenin harðlega þessa framkomu gagavart saklausum börnunum, og segir að ríkisstjórnin sje á glötunarbarmi ef hún ekki bæti ráð sitt í þessu efni. —

Margt er það fleira sem frú Lenin finnur að við ráðstjórnina. T. d. segist hún hafa komist að því, að börn af borgaralegum ættum fá ekki lánaðar bækur á bókasöfnum. „Hvernig hugsar ráðstjórnin sjer að ala upp góða þegna með slíkri framkomu“, spyr frú Lenin.

Kínverskir hjúskaparsíðir.

Fyrir nokkrum árum giftist ung stúlka í Budapest Kínverja, sem var þar í borginni er Li-Yenhu hjét. Var hjónaband þeirra hið ástúðlegasta og þau eignuðust tvö börn. En nýlega dó maðurinn. Konan fjeck annan Kínverja þar í borginni til þess að tilkynna látið til ættingja og vana austur í Kína. Og að vörmu spori kemur til konunnar maður er líkist mjög Ly-Yen-hu, enda var það elsti bróðir hans. Kvaðst hann vera til hennar kominn til þess að giftast henni, svo sem skylda hans væri sem elsta bróður manns hennar. Konan kærði sig hinsvegar ekkert um að giftast manningum, en fór samt með honum til Hongkong til tengdaforeldranna, og er þar í besta yfirlæti.

Haustútsala

í „Ninon“

Afsláttur af öllum kjólum

í 3 daga!

Laugardagur er annar dagurinn.

„NINON“,
Austurstræti 12.

Í dag laugardag opið 1 - 4.

Atvinna.

Piltur, sem hefir leyfi til að aka bíl, getur fengið fasta atvinnu nú þegar.

Umsóknir með tilteknum aldri sendist A. S. í. merkt „B.“

1 skrifstofuherbergi

í Austurstræti, sem einnig gæti verið íbúðarherbergi, er til leigu nú eða 1. október.

A. S. Í. visar á.

Skiftafundur

í þrotabúi Ingu Lüders Gíslason, Vatnssstíg 3, verður haldinn á Bæjarþingsstofunni mánudaginn 2. sept. n. k. kl. 10 f. h., til þess að gera ráðstafanir um verslanir þær, er gjaldþroti rak og annað, er hag búsinns varðar.

Skiftaráðandinn í Reykjavík, 29. ágúst 1929.

Björn Þórðarson.



Margar fallegar gerðir af gúmmídukum frá Leyland & Birmingham Rubber Co. eru fyrir-liggjandi hjá

Haraldi

— Heyrðu, karl minn, hvernig stendur á því að þú getur talað fyrst þabbi þinn er mállaus.

— Tja — hvernig stendur á því, að þú ert rauðhærður, enda þótt þabbi þinn sje sköllóttur.